

პროფესიული საგანმანათლებლო პროგრამების განხორციელების მონიტორინგის ჯგუფის ინსტრუქცია

მუხლი 1. ზოგადი დებულებები.

1. სსიპ - კოლეჯ „გლდანის პროფესიული მომზადების ცენტრში“ პროფესიული საგანმანათლებლო პროგრამის ჩარჩო დოკუმენტის საფუძველზე შემუშავებული პროფესიული საგანმანათლებლო პროგრამის (შემდგომში - პროგრამის) წარმატებით განხორციელების პროცესის უზრუნველსაყოფად საჭიროა მუდმივი მონიტორინგი, რომლის მიზანია: პროგრამის შემავალი მოდულის შესაბამის სწავლის შედეგზე დასწრება, მონაცემების შეგროვება, ანალიზი, საჭიროებების განსაზღვრა, მიღებულ შედეგებზე დაყრდნობით შესაბამისი ღონისძიებების დაგეგმვა შემდგომი რეაგირების მიზნით. აღნიშნულის განხორციელების მიზნით, იქმნება პროფესიული საგანმანათლებლო პროგრამების განხორციელების მონიტორინგის ჯგუფი (შემდგომში - მონიტორინგის ჯგუფი).

მუხლი 2. მონიტორინგის ჯგუფი.

- კოლეჯის დირექტორის ბრძანებით იქმნება მონიტორინგის ჯგუფი, რომელშიც შეიძლება შევიდეს:
 - კოლეჯის დირექტორის მოადგილე ან/და კოლეჯის ხარისხის მართვის მენეჯერი;
 - პროფესიული საგანმანათლებლო პროგრამის ხელმძღვანელი ან/და დარგის სპეციალისტი/პროფესიული განათლების მასწავლებელი;
 - სასწავლო პროცესის მართვაზე პასუხისმგებელი პირები.
- მონიტორინგის ჯგუფს ჰყავს ჯგუფის ხელმძღვანელი, რომელმაც უნდა განახორციელოს შემდეგი ამოცანები:
 - მონიტორინგის ჯგუფის წევრთა და მოდულის განმახორციელებელი პირების აქტივობების მონიტორინგი;
 - მონიტორინგის პროცესის კითხვარების შეგროვება და ანალიზი;
 - ანგარიშის წარდგენა.
- მონიტორინგის ჯგუფის მიერ განხორციელებული თითოეული აქტივობა ფორმდება ოქმის სახით, რომელსაც ხელს აწერს მონიტორინგის ჯგუფის ყველა წევრი.

მუხლი 3. მონიტორინგის ჯგუფის ამოცანები.

მონიტორინგის ჯგუფის ამოცანებია:

- შესაბამისი მოდულის/სწავლის შედეგის მიმდინარეობისა და ხარისხის სისტემის უზრუნველყოფის შეფასება;
- შემფასებლებისთვის კონსულტირების გაწევა და სათანადო რეკომენდაციის მიცემა;
- შემფასებლების მუშაობის ხარისხის მონიტორინგი;
- პროფესიული საგანმანათლებლო დაწესებულების ავტორიზაციის სტანდარტების მოთხოვნების დაკმაყოფილება;
- სასწავლო პროცესის განხორციელების სასწავლო საჭიროებების იდენტიფიცირება;
- პერსონალის განვითარების დაგეგმვა.

მუხლი 4. მონიტორინგის განხორციელების პროცესი.

მონიტორინგის პროცესი მიმდინარეობს შემდეგ ეტაპებად:

- მონიტორინგის ჯგუფის წევრების მიერ კალენდარული გეგმის განხორციელებასთან დაკავშირებული საკითხების შესწავლა;
- მონიტორინგის ჯგუფის წევრების დასწრება მეცადინობებზე;
- მოდულის სწავლებისას გამოვლენილი საჭიროებების მიხედვით მოსალოდნელი პრობლემური საკითხების პრევენცია.

მუხლი 5. მონიტორინგის განხორციელების მოსალოდნელი შედეგები.

მონიტორინგის განხორციელების მოსალოდნელი შედეგებია:

- პროფესიული საგანმანათლებლო პროგრამების წარმატებით განხორციელება;
- განხორციელების დროს მიმდინარე პრობლემების/გამოწვევების სწორი და დროული იდენტიფიკაცია/პროგნოზირება;
- გამოვლენილი პრობლემების ეტაპობრივი აღმოფხვრის უზრუნველყოფა;
- ხარისხის უზრუნველყოფის ხელშემწყობი ცალკეული მიდგომების დანერგვა.

მუხლი 6. დასკვნითი დებულებები.

ა) მონიტორინგის ინსტრუქციას ამტკიცებს კოლეჯის დირექტორი და მასში ცვლილებების განხორციელება შესაძლებელია მხოლოდ დირექტორის ბრძანებით.